

GOVERNMENT

Na osnovu člana 19. stav 2. Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), a u skladu sa čl. 20. i 21. Zakona o udruženjima i fondacijama („Službene novine Federacije BiH“, broj 45/02), na prijedlog federalnog ministra kulture i sporta, Vlada Federacije Bosne i Hercegovine na svojoj 22. sjednici, održanoj 20.10.2011. godine, donosi

**ODLUKU
O OSNIVANJU FONDACIJE ZA SPORT**

Član 1.

U cilju podsticanja i afirmiranja sporta i sportskih djelatnosti; izgradnje, rekonstrukcije i opremanja sportskih objekata; podrške međunarodnim i tradicionalnim sportskim manifestacijama; podrške sportskim savezima, klubovima i pojedincima; te podrške vaspitno-obrazovnim, razvojnim i edukacionim programima na teritoriji Federacije Bosne i Hercegovine, Vlada Federacije Bosne i Hercegovine (u daljnjem tekstu: osnivač) osniva Fondaciju za sport (u daljnjem tekstu: Fondacija).

Član 2.

Naziv fondacije je: Fondacija za sport.
Sjedište Fondacije je u Sarajevu, Obala Maka Dizdara broj 2.
Fondacija ima svojstvo pravnog lica.
Fondacija ima administrativnu, tehničku i finansijsku samostalnost.
Fondacija djeluje na prostoru Federacije Bosne i Hercegovine.

Član 3.

Osnovni ciljevi Fondacije su podsticanje, razvoj, unapređivanje i modernizacija sporta i sportskih djelatnosti, a naročito u domenu:

- utvrđivanja instrumenata i procedura za transparentno korištenje sredstava Fondacije,
- stvaranja kvalitetnijih prostornih i tehničkih pretpostavki u oblasti sporta i sportskih djelatnosti,
- stvaranja uvjeta za prezentaciju vrhunskog sportskog stvaralaštva i ostvarivanje vrhunskih sportskih rezultata,
- podsticanja sistematskog i organizovanog bavljenja sportom u slobodno vrijeme,
- povezivanja i razmjene informacija i iskustava sa sličnim asocijacijama van granica Federacije BiH,

- podrške programima i projektima koji doprinose vaspitanju, obrazovanju i razvoju djeca i omladine,
- učestvovanja u utvrđivanju strategija i programa razvoja sporta,
- podrške programima i projektima razvoja sportskih aktivnosti osoba sa invaliditetom,
- podrške programima i projektima učešća na domaćim i međunarodnim sportskim takmičenjima,
- edukacije i stručnog usavršavanja kadrova u sportu,
- izdavačke djelatnosti u oblasti sporta,
- podrške nekomercijalnih programa i projekata.

Član 4.

Fondacija se osniva na neodređeno vrijeme.

Član 5.

Za osnivanje i početak rada Fondacije sredstva osigurava osnivač iz Budžeta Federacije BiH u okviru transfera Federalnog ministarstva kulture i sporta.

Sredstva za rad i ostvarivanje ciljeva Fondacije osigurat će se u Budžetu Federacije Bosne i Hercegovine godišnjim Programima Vlade Federacije Bosne i Hercegovine u okviru transfera Federalnog ministarstva kulture i sporta.

Član 6.

Imovinu Fondacije čine:

- dobrovoljni prilozi i pokloni fizičkih i pravnih lica,
- sredstva dodijeljena iz Budžeta Federacije Bosne i Hercegovine,
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda,
- drugi prihodi stečeni u skladu sa Zakonom i statutom.

Član 7.

Organ upravljanja Fondacijom je Upravni odbor.

Upravni odbor čine predsjednik i dva člana.

Predsjednika i članove Upravnog odbora imenuje osnivač iz reda sportskih i drugih javnih ličnosti, na prijedlog Federalnog ministra kulture i sporta.

Upravni odbor će imenovati osobu ovlaštenu za zastupanje i predstavljanje Fondacije.

Član 8.

Osnivač će imenovati predsjednika i članove Upravnog odbora u roku od 60 dana od dana stupanja na snagu ove Odluke.

Osnivač je dužan da u roku od 60 dana od dana stupanja na snagu ove Odluke donese statut.

Član 9.

Stručne službe Federalnog ministarstva kulture i sporta i lice koje ovlasti federalni ministar kulture i sporta, podnijeti će prijavu s dokumentacijom i izvršiti druge radnje potrebne za upis u Registar fondacija kod nadležnog organa.

Član 10.

Poslove zastupanja i pravne zaštite imovine i imovinskih interesa Fondacije, obavlja Federalno pravobranilaštvo.

Član 11.

Ova Odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1130/2011
Sarajevo, 20.10. 2011. godine



[Handwritten signature]
Z. Murić